



1 Julai 2021
1 July 2021
P.U. (A) 291

WARTA KERAJAAN PERSEKUTUAN

FEDERAL GOVERNMENT GAZETTE

KAEDAH-KAEDAH CUKAI PENDAPATAN (ELAUN MODAL DIPERCEPAT) (BAS PERSIARAN) 2021

INCOME TAX (ACCELERATED CAPITAL ALLOWANCE) (EXCURSION BUS) RULES 2021

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA CUKAI PENDAPATAN 1967

KAEDAH-KAEDAH CUKAI PENDAPATAN (ELAUN MODAL DIPERCEPAT)
(BAS PERSIARAN) 2021

PADA menjalankan kuasa yang diberikan oleh perenggan 154(1)(b), dan perenggan 10 dan 15 Jadual 3 kepada, Akta Cukai Pendapatan 1967 [*Akta 53*], Menteri membuat kaedah-kaedah yang berikut:

Nama dan permulaan kuat kuasa

1. (1) Kaedah-kaedah ini bolehlah dinamakan **Kaedah-Kaedah Cukai Pendapatan (Elaun Modal Dipercepat) (Bas Persiaran) 2021**.

(2) Kaedah-Kaedah ini berkuat kuasa mulai tahun taksiran 2020 hingga tahun taksiran 2021.

Pemakaian

2. (1) Kaedah-Kaedah ini hendaklah terpakai bagi seorang pengendali pelancongan berlesen—

(a) bermastautin di Malaysia;

(b) yang melakukan perbelanjaan modal bagi pembelian bas persiaran sebagai tuan punya berdaftar pertama dalam tempoh asas bagi suatu tahun taksiran daripada suatu punca yang terdiri daripada perniagaannya yang berhubung dengan pengendalian pelancongan; dan

(c) yang merupakan seorang pemegang lesen kenderaan pelancongan yang dikeluarkan di bawah Akta Pengangkutan Awam Darat 2010 [*Akta 715*] atau Akta Pelesenan Kenderaan Pelancongan 1999 [*Akta 594*].

(2) Bas persiaran yang dibeli oleh pengendali pelancongan berlesen itu hendaklah—

- (a) digunakan semata-mata bagi membawa pelancong menurut Akta Pengangkutan Awam Darat 2010 atau Akta Pelesenan Kenderaan Pelancongan 1999;
- (b) dipasang atau dibuat di Malaysia menurut Kaedah-Kaedah Kenderaan Bermotor (Pendaftaran dan Pelesenan) 1959 [L. N. 173/1959]; dan
- (c) bukanlah suatu bas persiaran yang dipulihkan.

Tafsiran

3. Dalam Kaedah-Kaedah ini, “pengendali pelancongan berlesen” mempunyai erti yang sama diberikan kepadanya di bawah seksyen 2 Akta Industri Pelancongan 1992 [*Akta 482*].

Peruntukan menyifatkan yang berhubungan dengan perjanjian sewa beli

4. Bagi maksud Kaedah-Kaedah ini, jika pengendali pelancongan berlesen itu melakukan perbelanjaan modal di bawah suatu perjanjian sewa beli bagi pembelian suatu bas persiaran bagi maksud pengendalian pelancongan—

- (a) pengendali pelancongan berlesen itu hendaklah dianggap sebagai tuan punya bas persiaran itu; dan
- (b) perbelanjaan modal yang dilakukan oleh pengendali pelancongan berlesen itu dalam tempoh asas bagi suatu tahun taksiran hendaklah diambil kira sebagai bahagian modal daripada apa-apa bayaran ansuran atau, jika terdapat lebih daripada satu bayaran sedemikian, agregat bayaran itu yang dibuat oleh pengendali pelancongan berlesen itu di bawah perjanjian sewa beli itu dalam tempoh asas itu.

Elaun permulaan

5. Pengendali pelancongan berlesen layak bagi mendapat elaun permulaan yang diperuntukkan di bawah perenggan 10 Jadual 3 kepada Akta yang hendaklah bersamaan dengan satu per lima daripada perbelanjaan modal yang dilakukan bagi pembelian bas persiaran itu.

Elaun tahunan

6. Pengendali pelancongan berlesen layak bagi mendapat elaun tahunan yang diperuntukkan di bawah perenggan 15 Jadual 3 kepada Akta yang hendaklah bersamaan dengan dua per lima daripada perbelanjaan modal yang dilakukan bagi pembelian bas persiaran itu.

Ketidakpakaian

7. Kaedah-Kaedah ini tidak terpakai bagi seorang pengendali pelancongan berlesen yang telah melakukan perbelanjaan modal ke atas pembelian bas persiaran dalam suatu tempoh asas bagi suatu tahun taksiran jika dalam tempoh asas itu pengendali pelancongan berlesen itu layak dan telah menuntut berkenaan dengan pembelian bas persiaran itu—

- (a) elaun cukai pelaburan di bawah Akta Penggalakan Pelaburan 1986 [Akta 327];
- (b) elaun pelaburan semula di bawah Jadual 7A kepada Akta;
- (c) elaun pelaburan bagi sektor perkhidmatan di bawah Jadual 7B kepada Akta;
- (d) elaun modal dipercepat di bawah mana-mana kaedah-kaedah yang dibuat di bawah seksyen 154 Akta; atau
- (e) pengecualian cukai di bawah mana-mana perintah yang dibuat di bawah perenggan 127(3)(b) atau subseksyen 127(3A) Akta berkenaan dengan pendapatan berkanunnya yang bersamaan dengan apa-apa bahagian atau